

# नमो भगवते वासुदेवाय

श्रीकृष्णार्चन













উৎসর্গ :

শ্রী গোকুলানন্দ গীতিস্বামীর নিশিঙে

# মংকুদিয়া জুয়ান

শ্রীকান্ত সিংহ



***"NONGKUPEER ZOORAN" a collection of Bishnupriya Manipuri poems, written by SRIKANTA SINHA, Published by Uday Chand Sinha, Purnima Lairic Laisang, Narangi, GAUHATI-781026***

---

**First Edition.  
1984**

**Printed at Bismoi Printers, Hedayetpur,  
Gauhati-781003**

**Price : Rs. 8.00**

**Cover designed by :  
author**

**Copyright reserved by the author,**

# নংকুপীর জুরণ



পুণিমা লেইরিক লেইসাং

পুণিমা লেইরিক লেইসাং, নারাজি, গোহাটী-২৬



କଳାକ କବି ପ୍ରିୟାନ ସିଂହାନ୍ତ ଅଂଶ  
 'ନୂଂକୁମୀର ଜୁବନ' କବିତା (ଲେଖିକ ଶବ୍ଦ  
 ମାଧବଲୁ । କବିତାସାହିତ୍ୟ କବିତା  
 ଅମାତ୍ୟ ନିଂକର ମନ ପାହାନ୍ତ (ନାହେଲୁ ।  
 - ତାହା ଲେଖା ବିଶ୍ୱାସୀ ମୁଖ ପାହା  
 ତାଳ ତାହାଲ ମାଧବ କାହା ।

କବିତା 'ନୂଂକୁମୀର ଜୁବନ' ଅଂଶ -  
 ଯଦା ନୂଂକୁମୀର ଜୁବନ ଥାନ ନାହିଁ -  
 ଆମାତ୍ୟ ଅମାତ୍ୟ ଶାନ୍ତରୁ ଜୁବନଶବ୍ଦ  
 - ନିଜୁବନ ଅଂଶ କବିତାସାହିତ୍ୟ ଓପାମାତ୍ୟ  
 କବିତାସାହିତ୍ୟ (ନାହା ଶାନ୍ତରୁ ଥାହେଲୁ -

" ଯଦି ମି କିଂ ତାହା ନାହାନ୍ତ ମାଧବଲୁ (ନାହା...

[Redacted] 'ଜୁବନାହାନ୍ତ'

ଆମାତ୍ୟ [Redacted] [Redacted] ଆକାଶରୁ ଜୁବନାହାନ୍ତ"

- ଯଦନାହାନ୍ତ ମୁଖାହାନ୍ତ

୧୫ (ମା ବିମାତ୍ୟ, ୨୦୧୧)

ମାଧବଲୁ କବିତାସାହିତ୍ୟ

## প্রকাশকর কথা আকচুটি

মহাদেবর জটা ছিরিয়া পুণ্যগঙ্গার উৎপত্তি। কবি-মনর পাতাল ফাটা তপ্তা লাভা বারো উমতিরা ফাপর পেঙবলা উদগিরণে “নংকুপীর জুরণ”র জরম।

শিল্পী বারো কবি শ্রীকান্তর বজ্রবুকুর সেঙ্কুমর ধ্বনী সাহিত্য রসিকর মরমে ফৌওইলে, আমার মোহতন্দ্রা বাগে পারলে, তার কলমর আচুর, মনর রঙ তুলির চিতারা ছবি “নংকুপীর জুরণ” স্বার্থক অইতৈ।

পুণিমা লেইরিক, লেইসাঙর পয়লাকার খুতা-খুতি খুওল বিষ্ণুপ্রিয়া মণিপুরী সাহিত্য লেইতেরেঙে নাপনির জুরণ পালয়া নাপছে-না; না-নাপছে, সাহিত্য রসিকর রসিকতার গজে থাইল।

উল্লেখযোগ্য কনাক কবি শ্রীকান্ত ১৯৮০ ইংরেজীত মেহেরপুর লয়াত বারো ১৯৮২ ইংরেজীত শিংলা লয়াত বিষ্ণুপ্রিয়া মণিপুরী সাহিত্য সংস্কৃতি সন্মেলনে স্বরচিত কবিতা প্রতিযোগিতাত যথাক্রমে তৃতীয় বারো প্রথম পুরস্কার লগে প্রশংসা পত্র সাহিত্য-সংস্কৃতি পরিষদর পক্ষত্ব দেনা অছিল।

১৯৮৩ ইংরেজীত হাইলাকান্দিত অনুষ্ঠিত বিষ্ণুপ্রিয়া মণিপুরী কবি সন্মেলনে কবিতা পাঠ করানির কাজে আমন্ত্রিত অছিল। বারো সন্মেলনে কবিতা উপস্থাপিত করিয়া প্রশংসা অর্জন করেছিল।●



খুমিত না কাছে কবিয়ে কবিতারাং আত্মসমর্পণ করিয়াউ  
 সৃষ্টিটরমা ছন্দলয়বিহীন। সৃষ্টিটর লিচ্ছেয়ে কবিতা ক্ষত-বিক্ষত।  
 কবিতায় মোরে ঠাংদেছে, না-নাদেছে, মি মাতে নুঝারতৌ।  
 সহৃদয় পাঠকবর্গর আতে মোর এ হরকাং লেইরিকশৌ এহানী  
 তুলে দিলু। মি মানুগ। মানুরাং ভুল থার হানতে মোরাং  
 ভুল থাইতৈ। ভুল-ত্রটি সমালোচনামূলক দৃষ্টিভঙ্গিল' মোরে  
 উৎসাহিত করেদিতাঙাই বুলিয়া আশা থইলু।

১৯৭৫ ইংরেজীত্ব ১৯৮৪ ইংরেজী পেয়া রচিত কবিতা  
 কতহানল' কাব্যগ্রন্থ এহানাত, রচনার কালক্রমর মাতুং ইলয়া  
 লেইল্লোং করানি ঐল। অন্যান্য পত্র-পত্রিকাত প্রকাশিত  
 কবিতারাজির দুহান-আহান নাং বারো কবিতাখানি পরিমার্জনা  
 করে দিলু।

শ্রদ্ধেয় শ্রীউদয়চান্দ সিংহ গিরকর উৎসাহ বারো লেইরিক-  
 হান শাদকরানীর গুরু দায়িত্ব নেনায় মি গিরকরাং চির ঋণী।  
 শ্রদ্ধাষ্পদ মদন মোহন এইগায় নিজর তেত্নেই কামর হেরেদেউ  
 থতাধরণীহান ইকরেদেছে। এইগা গিরকরাং মোর শ্রদ্ধার্থ  
 থাইল। শ্রদ্ধেয় শ্রীহরিপদ সিংহ (দাদা) গিরকে লেইরিকহানর  
 অঙ্গসজ্জার খরচ দিয়া শ্রীবৃদ্ধি করেদিল। দাদারাং মি কৃতজ্ঞ।  
 শিল্পী প্রব ডেকার সুপরামর্শ এহাত নিংশিং অউরী।  
 কম্পজিটর শ্রীকৃষ্ণচরণ সিংহ, শ্রীশেখর সিংহর পাঙলাক বারো  
 শ্রীহরিদাস সিংহরেউ নিংশিং অউরী।

শ্রীকান্ত সিংহ

# সূচীপত্র

১	নংকুপী
৪	আজি পূর্ণিমা নাগন্ন খাচি
১২	দেইমী-সেইমী
১৭	কৌহাং
২১	প্রতিদান
২৩	জিৎতানির কুমেই
২৫	কবিতা
২৬	প্রিয়তমারে
২৯	আরুন্নর পাখ্‌তী
৩১	সিংকাক
৩৩	দুহান এলা
৩৫	লেইচন্দনর সারুকে রক্তচন্দন
৩৬	মি বারো আআ
৩৭	কাতকরেদিও
৩৮	প্রতিশ্রুতি
৩৯	দলাপারৌ
৪১	ম্রুট্টা
৪২	আতরতারাহানী
৪৩	প্রেরণা
৪৪	এলারে
৪৬	স্বাগত
৪৭	বিদ্রোহী
৪৮	নিংশিং
৪৯	প্রেম
৫০	মুক্
৫১	ক্ষেতিউলারে
৫২	শিরোনামাবিহীন কবিতা
৫৩	বগিয়া
৫৪	ডাঙটবিন



## নংকুপী

ঔদিন বিয়ানে মেঘালা হাগে,  
নংকুপীর আর্ন্ত রোয়ে,  
হমেইল বৈশাখ বরণ ফুটালো  
বৈরী ফেংচী রোয়ে।

আর্ন্ত নংকুপী পিনার খোঁরাঙে—  
হিল-বরণর হাদিত,  
লপুকর শালি উড়াছে আজি,  
ইমাম্, আধার'র আহিত।

বজ্র মেইচাক মিকুপ পোহরে—  
ফুটা'গ পানার কাজে—  
ডহা-বাগা-পুরা, পাখহানীলো,  
বিসারতারা শূণ্য মাঝে।

এরে কি নংকুপীর, জাত আজি,  
লেইমাং অনাত লেপছি।  
না,— এ চরম, খেলতামর হতে,  
বায়া যানাত পরেছি।

না, নাহে— কৌহাং উৎখোরা সমাজ,  
বায়া নাগেছগা তুমি,  
এবৌ ধরেছ মহেন্দ্র যুগর  
মহেন্দ্র বজ্র খুটি।

লিপিঙে লিপিঙে মহেন্দ্র আয়া,  
চিনাক্ত কর ইমারে,  
মা'ও মালেমর ইতিহাস লাতল,  
স্নেহকর হনার আইক্ষরে ।

অপারিক আমি ইমার কাজে,  
“উন্মাদ গোকুল” পারা—  
জানদিক আহ, রাজবাবুর সাদে,  
দুঃখীনির দারা-নালা ।

গোকুলর হপন পুরেইতাওয়,  
আমার মাঝে আমি,  
বিদেহী ‘রাজ’র আত্মার শান্তি  
দিক তার অনুগামী ।

গোকুলর সমাজ সেংকরিক  
গোকুলর চিন্তা ধারায়—  
“মহেন্দ্রপাংকাল” নিয়া বৃকে  
পুন্নিঙে ফৌয়েইতাওয় ।

হে পৃথিবীর “মহামানব”,  
হুদি ডহা মোর যারৌ,  
বঞ্চিত করেছ অয়া দানব,  
আসলপা মানুর হারৌ ।

সুখ-দুঃখর স্মকরা যারী,  
কাতকররাই খয়াত,



অপারগ! দুঃখর স্যারীত্বউ,—

বিদ্ধ-শিংলত জুহানাত !

নুংশিপী তোমার, মালকগর ঠৈগ,

ইমার রিদিত থার,

মাতৃহারা শৌ উরা-হিচিয়ে

হারৌয়ে নাথাইব আর ।

না লাগের রাজ্য আমার,

না লাগের ধন-সাম্পাল,

না লাগের নুঙেইর জিনা,

চির-রিদিত থাক, ইমা আমার ।

পিনার-পানার অধিকার থায়াউ,

ডকপেয়া পি নুবেইলাং,

বিংশ শতক প্রজাতি যুগে,

মানুর মেলেউ নাথাইলাং ।

সেক্যার ইরবিরে খাংতা বারয়ায়,

দাবদে বেলেয়া লপুক,

বিসারেয়া ইমা, গুরুশৌ এবাকা,

ডকে-হকে তোর জিপুঙ ।

আর না ডিলসে বিয়ান ফুরানিতে

পৈয়তারায় মাতৃ থয়া,

আর্ত নংকুপীর খৌরাং মিটেয়া,

ফৌকরুত বিশ্ব পেয়া ।

## আজি পূর্ণিমা নাগর খাচি

মনহানর অনাংহানে, পারগত বহেছিলু ।  
মুণ্ডে জৌটাকগ' অয়া পাহেছে ছড়াহান,—  
রকতগ' অয়া ছুটেছে ।  
হাগ-মালী-রাওবুরা অয়া চার ইম্পানী,  
ডরপেইলতা কিস্তাউ নেই !  
মানুর লৌরে নাগর—  
না কোন লালফামর কারে,  
বুজেছে রকত ।

চির-শান্তির, ঠুমনেই কু'র জ্বর মেইচাকৈ,  
হারাদিনর ঠুকরা লালফামী-বেলী  
টুম' গিয়া সাধুহান হমাছে,  
কিসাদে মায়হানে ।

হিয়রগ দেছে গোধুলীরমা পশ্চিমাকাশে  
মেঘ পুঞ্জরে ।

খাওতা !

হাম্পাতালর, জাওর দোহাৰহান : আওইল,  
হাদি শকইল জুরনে,  
বুলন দিয়া চেইলু,  
দেখলু ! হনলু ॥

“রাম নাম সত্ হ্যায়,  
সব্‌কো স্নেহী গত্ হ্যায়” ॥



লেম্পালে বরা-বালা মরা'গ !

দলা ফুতি আহানল গুরে দেছি !

ফুলর মালা গজে, ফল-মূলে বুজেছে হীংরগী ।

কতগর লেম্পালে ডালডা ঘির টিং,

হাবিয়ে চাফতগ পারা পিদেছি ফুতি ।

মরা উগ মোর ইমা নাগর ।

বরা-বালা আগর কুংগথাং আগ ।

মোর ইমাউ কিহান আইলী পাউরী !

উওয়া-লাওয়া দাবদিলু,—

ফিমেইল ওয়ার্ডর তের নদ্রর বেডে ।

সেলাইনগত্ব এবুজপেয়াউ পরের উপ্ উপ্.....

জাংহানী আতেয়া চেইলু,—

জি আওরাগ,

আসুলা বাজুহান, ইওয়া লকর পানিগ,

মাতেক পিছে পিছে —

জি হোকরিয়া দাবদের ঘাম ।

আহিথম বাহরা,

থেইপক না-মেলা আহির পটে

ডল ডল করের, ওরানথা নাছে ঠৈগর আহির পানি ।

পঞ্চ ইন্দ্రిয়ই কাতকরেছি হাবি

তানুর পুলাপ অনুভুতি ।

মোর নিঙে পরের,— ঠৈ শলকরা ক্ষণ উহানী,  
গেলগা কালির শ্রদ্ধাচপদর কথাহানি,  
“ডোনট্ ওয়রী”, হীন নাপেয়,  
ভগবানে যেহান করের উহানেই হবাহান।”  
ও সময়রকা, ভগবানর গজে য়ারৌ করেছিলু।

দিদি! দিদি! অ-ইচে!  
কৈ? নাউ হনলো,.....  
মি'না তোৱ বৈজী।  
...কিসাদে যন্তণার বিহগত বুৱেছে .....

তাৱাং তাৱাং অয়া আমাৱে চেয়া,—  
মোৱে মাতলো—  
“মা! তোৱ ইমাৱে ডাকদিয়া চাতা।”

কঙালা হাদি থুক্-থুকানী অকরল,  
নাৱগ ডিফে আহিল.....

ইমা.....! অ..... ইমা!  
খুংকুল নেই লাম আহানাত্ত খুমকরলপাৱা,  
হুঁ.....উঃ।  
আহিৱ পানি ছৰ্'ক' পৱিল,  
মলগৱ গজে।

মি হাৱৌয়ে কনাকশৌগৱ সাৱে—  
হেক্ চেলয়া দিলু কাদন,  
ইমাৱ বুকে লুকেয়া মেইথম।



স্মারো করেছিল ভগবানরাং,  
ক্ষমা চেইলু।  
পেইলু এহানিয়ৌ কতি,  
ডাঙর মরাং!

অইল রাত্তি,  
জারর পরহান;  
ডাক্তর মাপুর লগে, ডাক্তর শৌ কতগ,  
আতে চারি কোণীয়া বাকসগ,—  
তারমাহি-যন্ত্র নিক্কা।

আতে-জাঙে খারৌ পিদেয়া—  
পরীক্ষা করলা,—  
কিহান আহান হারপেইল;  
মাতল, ডাক্তর মাপুরে—  
“সিষ্টার, ল’রা দুটাক বাহিরলৈ যাব দিয়া।”

ইমা-ইন্দলর কক্ষগ ঠেকানী থক নেই রাত্তি,—  
মুণি মানু।  
থাইলাং মাংকলে, ওলী-জৌলী মনল,  
খুৱার পানি পরের টপ্ টপ্ গজেত্ত।  
আহির পাতা জুৱা নাথার।  
সিষ্টারর জুতাহানি নিশাংটা রাত্তিত টক্ টক্।  
.....হইমা...! হবাবা:! উ: ঈশ্বর!  
.....মরে নেগা! মরে জিংতা কর...  
উঠলু মি ফুক্ কো।

গেলুগা হাতে হাতে ইমার কাদাত ।  
শরফামহান চেইলু,  
চেইলু কাগহান পাতিয়া বুক্‌গ ।  
জাওর পাতা চেয়া । জাওদে পরলু ।

সিষ্টারগ নেই,  
দরিয়াহানল বাপদিলু—  
লগে লগে আহিল মোর লগরগ ।

হারাদিনর হীনে-দুখে,  
আশা-নিরাশায়, ঠু-নিংশায়,  
বেরহান অয়া গেছুগা ।

সারফু-সারফু কালাচিংথেই  
কোরা আগর কা কা রহন,  
ডাকদিল মরে লগরগৈ.....  
“নেই মই ! মই ! নেই !!”  
তুম্‌পাং-নুম্‌পাং উঠলু—  
কাদিয়া পরলু ইমারাং ।

উঙে-লাঙে ইঙছিল,—  
কোঁজিয়াছিল ঠৈগ । বরফ্‌গ অছিল ।  
গলিল !  
চিলা-চিলা অইল । হাদি ফুকরা ভৈচালে—  
হ্যাহার যত আদি পুলাপ তপ্তা ঠুনিংশার  
হকর হতগয় পাহরাছিল,



লাং লাং আহির পট ।  
ধ'দেছিলু ইমার জাওর পাতাহানী  
আহির তপ্তা পানিলা

বিয়ান ফুরেইতে না-ফুরেইতে পেইলা মরার পৌ ।  
বদাগত আয়া উবা আছে,  
অয়া ইংগ.....  
ফিজেতে দলা ফুতি,—  
জিংধরা পাষণ আহি পট  
আজি পরাজিৎ ।  
ইম্পানি দাবদের বেইবুনির উম,—  
উম্ভিরা আহির পানি, বাহিয়া আহিথম ।

উঃ ! গীদেই.....  
হনলু মি হেইরাপ—  
ইমার রকতে কক'নেই, বুক খেতকরা  
টাংনেই আন্ত ওরা-নিংসা ।

মুমজা দিলা বাহার খাটিহানাত,  
খলতুপে সাকরনা মলগ—  
হিঙ্গরগ দিয়া লামা ।

মহা প্রস্থানর মাতুঙে নাম্‌সা-কাঠি-লেইচন্দন  
শ্রীমুখে পিদাদিলা, দিয়া হিনা ।  
গিরিগিথানীয়ে ফল-মূল, ওরা-কাপক,  
হিঙ্গরেন্দে বরাদিলা ।

মাতেছিলী আকদিন ইমায় মোরে “বাবা”  
নিকালেয়া ঝাপি  
“মোর আতে বুনা কাটা-লুরির দলা ফুতি,  
এহানী মোর মরণর ফুতিহানী,  
ঘুরেদিও মোরে মরণর দিনে—  
এ-টুকুরাশৌ এহানি মোর চান্দুরাহান।”  
মুক্খি-মুক্খি দেছিলী, আটসে দেহাগল—  
মাতেছিলী কথাহানী।

স্বর্গীয় মুক্খি আজি নিঙে পরিল সেংক’  
চিংখুয়ীহানল ঘুরে দিতে রিদিগ জ্বলিল।  
হাঙ্কা-দিনকার মুক্খীহানী থাইতৈ, চিরদিন রিদিত।

ফুল দিয়া নুঝারলু মানুর সাদে—  
চুম্পুল-চুম্পুল,  
দেছিলু মোর অন্তরর ফুলর বারিত্ত  
বিসারেয়া ফুল।

দিয়া নুঝারেছিলু হায়!,...  
পানি ফুটা আহান,  
জিহতা দোঝারে ইমারে মোর,  
ঘাটর পারে কুগরমা ডালে দিলু—  
আত্মতুষ্টির খুচেই খুচেই পানি।  
আহির পানি হকা নুঝারের—  
তেতনায়া জ্বলের শ্মশানর জিগয়,



ফরদিয়া থাইতে চান্দুৰাহান  
নাইতে ইমপানি ।

বায়া গেলগা মোর বেলী  
বে-পরে বুরিল, অইলু আধার ।  
জরম অইল মাতেক পিছে,  
কুলাহান পারা চামদাকা উম্নেই বেলী—  
নেই সারহান ।  
ধুমার তৌরীং মামছে মিঙাল,  
মাম মাম আধারে দাবদেছিল,  
চামদাকা লৌটাক ছরা ।

আজিকার বেলী কিয়া নাছে রাঙা ? নেই তেজহান ?  
আংকরলু মি আকখুলা ।  
ঃ বেলী নাগয়,—  
“আজি পুণিমা !” মাতেছিল কুংগথাং আগয়  
কাগহানাত হাতে হাতে  
কুংগয় মাতল,—  
পুণিমা !  
মি মাতৌরী—  
“আজি পুণিমা নাগয়, থাচি ।” ●

## দেইমী-সেইমী

টাইপ সেকশনে, লিপিকারগ ;  
কট্ কট্ কট্ গেট, কট্ কট্ গেট্ —  
ইংরাজী টাইপ মেশিনহান ।  
ডব্লিউ এইচ ওরাইল, থিংকরেছে ।  
হরাই ! হরাই ! হরাই.....

অফিসিয়েল ড্রাফটহান ;  
খসড়াহান ।

অফিস শিরোনামা  
অর্ডার নাম্বার:.....তারিখ.....  
টু,.....

অমুক.....  
সাবজেক্ট :.....  
মহোদয়,.....  
বক্তব্য.....

স্বাক্ষর.....

কে...র...র...টক্ ।  
খুলিয়া আলপিন আগ মারতে—  
আঙুলিগত বিদিল !  
রক্ত চেহাত লাগিল ।

দিতে পিয়নগরাং,  
উসিৎ নাকবিয়া নানলগা,—  
“দিয়াদেগা তি ! অফিসারগরাং ।”



“হায় বাহা” বলিয়া বয়া থাইলগা তার টুগহানাত।  
দিলগা নিজে অফিসারগরাং ড্রাফটহান।  
টাইপ করেছে কাগজহানাদে দিয়া মিল্লং—  
মাতের :  
হরাট্ হ্যাপেন্ ?

শিরোনামাত্ত স্বাক্ষর পেয়া—  
হরাই, হরাই, হরাই ... হদা হরাই ...।  
তোরতা কিহান অছেতা ?  
কইতে, কিত্তাউ নাহু থরা।

হস্ পরিয়া,  
এক্কিউজ মি প্লিজ,— নাজানু স্যার,  
কিহান অছেতা ?  
অফিসগ এগ, বাহিরর দুনিয়াহান।  
ঘরগ নাগয় এগ। পাগলাগারদগ নাগয়।  
আহিগী রাঙাগ করিয়া মাতল।

হি ইজ এ মেড ! পাগলগ।  
সার্টিফিকেট আহান দিলা।  
নিজরকা পাগল উতায়।  
লগে লগে মেডিকেল ছুটি।  
হবা ডাক্তরে দিলা গুল্লি—  
বিয়ানে আগ, আগ রাতি।  
উহানাতৌ না ঘুমজের,—  
দিনে-রাতিয়ে দুগ, দুগ।

হুদা ঘুমজানি।

হুদা ঘুমজানি।

উহানেই পথ্যহান

ঘুমজে ঘুমজে হাবি প্যছরানি...

পুরীজেলাগর কপট মুক্কা!

নেই মালেমে বানা নুংশী!

প্রেম!

আজি মি মাতাম ফাসু।

উম নাপেইলু বাপকগর,

নাপেইলু, নেই...

মালকগর ফংকরা বানা-নুংশী।

বেয়কগী বেকার।

বনক আগ গুণ্ডি পুরীজেলাগ।

কুয়াটারগত :

উ: লাইট এগ — আছে পহরহান।

মানাপরম এগয় কিয়া ঠিক্ ঠিক্ বুলেরতা?

নিবেয়া ঠিক্ কো বাব্বগ

হ, আধার এহানেই মরতা বালা।

সিগারেট পেকেটর গজে পেকেট,

আকখুরুম দিয়াশলগল লাগেইলে লয়ইল,

আগ লয়ইতে আরাক আগ সিগারেট।

নেয়ইলে চলের বিড়িউ।

৯৪/নংকুপীর জুরগ



কুঠাগ ধূমাগ করিয়া উ'মকরের অতীতর স্মারী  
জিৎ ধরিয়া আহিথম ।

খাস্বা-থৈবীর প্রেম,...নাগয়, নেই— হাবি লাহলা ।  
বানা-নুংশী: পৃথিবীরে, না না নেই,—  
থকইল উহাত স্বার্থত নিংকরিয়া লেপতায়,  
তুলসীপুংগর সাদে,  
কুর্গা কুর্গা করতায়,—  
আনবিক পাংকাল্লো ।

উম : বাপকগর— হ' :...  
মাটিহানাত রুঝাদিলেই...বিজগ ফুটলেই...  
“পিতাহী পরমং তপঃ” নাগয় ।

বাৎসল্য প্রেম— ইমারাংতো...  
কালিদাসর বিচার উহানপারা—  
গাছজারর আগাত চৌলগী টাঙিয়া  
তলে জীগ লাগেয়া বাতগী ফুটানি পারা ।

বেকার । বেকার । হাবি বেকার —  
থেয়া থেয়া থাইতারা অজগরর সাদে,  
মেলেট্রারিত মরিক বুলতেউ—  
হাবি মরে নুঝারতারা ডাকায়া চুল কাপে নুঝারতারা  
আচৌবা, দাখিলাতা বাছতারা

কলম পিসিক, তাকরিক বুলতেউ—  
ইণ্টারভিউ বোর্ডে সোঝাল করতারা—  
হিদল এতা কোনগয় আবিষ্কার করেছে?  
এগদেতে তানুউ মাতে নুঝারতায়গৈ ।

মর বনক বিয়ার লাক আছে,  
আজিত্ত বাক্সা কত মারি আগে।  
আজি পেয়াট বিসারতারা দামান।  
বিসারেয়া থাইভায়।

দামানগ চাকুরীআলাগ! টাউনে!  
সাৎহান হবা! ডুফা-ডাফা নানী!  
ডাওর-দীঘল!  
চাংখল!

ক্ষেতিউলা নাইতে — বিব্র কৌদকহান নেই!  
বেপারীউ না: মারা পরের।  
চাকুরীআলা, চাকুরী আলা.....  
চাকুরী আলায় খবর হারনাপাছি।  
মাহার হাদিত আসুলা-পিছুলী,  
ছৌনা-ছৌনী।  
এগরাং আতপাত হৌগরাং আতপাত।  
কাবুলী আলায় খেইতারা তাল।

এজুপেয়াট মোর বনক বিয়া দে নুরারলু.—  
গালগী বাগিল। ফুটাইল।  
লমৈতেগা খলগর লগে লুহং দিতৌপাউরী সাৎ।  
না: না: এসাদে অনা নাভৌ।  
পোহর দেই।  
জান দেই। হৃদয় দেই। ●



## কৌহাং

আমি কি কৌহাং !

মনাছ কি অস্তিত্ব পুরিয়া, আঙাৰাগ করানি ?  
নান্নবা মনাছ, তোমার উদালে পুরিয়া—  
শালিগ করানি ।

আমি এসাদে কি তেওনিত পরেছি ?

তুমি দোৰাই কুপতাই কুমপেইত.....

“টেইপাংমানুর”

আমারে অংকরে পাছ’সাং— এ ধরণীত ।

উহানেই পাউরী :

আমারে ধরে ধরে স্বার্থৰ যইজত বলি দিয়রাইতা ।

আমি ডহানী : তুমি উম পানা,

তোমার নুঙেইর জিনা : আমি মরণ ফাও’না

এসাদে আর কয়দিন থায়তাঙায়তা ?

কয়দিন দিতাঙায় ধরা, তানুর দিঘল বাহার কুটাত,

মাংকরতাঙায় আমার আউপা স্ৰট্গো ।

নিঙে নেই তোমার—

অপা-বপার ফিৰাল থেতকরা ইতিহাস,

আছিলাই আকদিন এমালেমে, মানুর সাদে মানু ।

হায় !.....কিতাউ নেই,

পৃথিবীউ কতি শর পটেইলো,

অইল কত কঙ্কেই, রাজ্য পতন । কত উত্থান ।  
কত পাক্কাল রকতর লগে ধূলিত মাওইল ।  
এহানেই প্রকৃতির ধারাহান ।

আছিল আমার খুওকুল, আশাংপার বুকে—  
নিলুয়া হাগ গজে, লগ্তাকর রংখা রংখা গাঙে  
আপক্‌পার মিহল-মাহল ।  
বারো.....আছিল আমার হাবিতা... ।

তার পিছে... .. পিছ উহানাত :  
কালর ! কালর ! কালর হবানেই পাক্কালে,—  
বাহবেয়া আনল কৌহাঙর সাদে ।  
আছলপা কাফামে নিলাংগা ঠাই—  
পৃথিবীর কোণা-কাঞ্জেলেদে ।

নিলাংগা মানুর চৌহদর বারির কোণে—  
দারির কোণে । মচার খাটিত । উদালর গুরিত ।  
থায়লা কতগ গুলিমুঠি, থিপা পাংকালপার ছেয়াত  
ডাঙর মারার গুরি কতগ, সাতারা কায়া,  
ঝাপ্‌দিয়া পরিয়া থাইল রিপুজির লতে ।

না : ॥

আর অয়ং চানার সময় নেই ।  
আমি আর নাথায়তাওই,— তানুর চৌহদর  
বারির কোনে খেয়া বৈদ-বরণে ।  
হফারা নাইতাওই লেইশৌয়ে ধরিয়া খেয়া ঘুণে,



নাথায়তাঙাই আর ফুংকার গরিত—  
ওল্টা অয়া, কুরুসুময়া।

লৌলাম প্রকৃতির  
টেঙারা-ভৈয়ামে—  
আনের টেঙারায়-টেঙারায় লৈলাট,  
বৌ-বরণে, ফেচু-নাচু লতা-পাত।  
আনের টেঙারায় লুম্পাক-মাটি-লেঙৌ,  
গাছ-বিরুখ কত “বীজ”।

বাহিতে বাহিতে  
হংকরতারা আগ দ্বীপ।  
পুমিং ফৌওর ছরা  
সুমুদ্রত অয়া লীন।  
তিলয়া হংকরতারা আহান লাম।  
বাসমুগ্য করতারা  
তানুর দারা-নালা।  
আকদিন “বীজ” ফুটের,  
বেলীর মিঙালে।  
চারা উঠের। চারাত্ত গাছজার।  
তার পিছে মহীরুহ।  
আমি পৃথিবীর সৃষ্টি।  
আমি প্রকৃতির সৃষ্টি।  
আছে আমার জিংতানির অণু-পরমাণু।  
একাকা আমার পরিচয় কিহান?  
“মানু”

আমি পৃথিবীর মানু ।  
আমি পৃথিবীত মনুষ্যর সাদে জিংতানি চেয় র,  
এহানৌ হায়হান,— মুর সিকেন্না অস্বীকার—  
করে নুঝারিয়ার, নুঝারতাওয়  
ইতিহাস সাক্ষী ।  
আছল্‌পা জীবগো জিংতাঅ'নুঝারের—  
যেগর প্রতিকূল ক্ষেমতা নেয়র ।

যদিসে জিংতানির পাংকাল নেয়র,.....

“জ্বলতাওয়” !

আমি আকসাটে জ্বলতাওয় !!

নাদিও দোষ,.....

হনো ! মুলুকর মানু !

আমার মেইচাকে অইলে দণ্ড । ●



## প্রতিদান

না না !

নেই !

নান্নাগের ।

পৃথিবীর বানা-নুংশী ।

যদিসে থার ?

যদিসে থার বানা-নুংশীর জরা'গ,

দুনিয়ারমা—

মি বানা পাউরী ।

আছে মোর অধিকার ।

না না !

নেই !

অধিকার তোমার, মোরে বানাপানির,

যদিসে বানাপেয়া থারায়— জরা'গ

দুঃখ পেইতারায় প্রতিদানে ; তার সাক্ষকে ।

ভুকানা গাছজার । কানানেই অসার । ছেয়ানেই—

কপাল থিপার ।

দিয়া পারতো পাউরী,— হায় ! মরাগির পিছে

স্মশানর জিগর দারো !

উহানলো মাতলু, কানা নাহু,

জিৎতা দোবারে কারো ।

মরতো ঔদিন লগে থাইতৈ—

বানাপানির স্মারী তোমার বৃকে ।

অহো ! —শৌ-এগুলি মরিলতাকো.....

মিকুপর বানায় দিলুতাহে চেই,— মিকুপরকা

কঙালা হৃদিত, দিলুতাহে থকনেই দুঃখ ।

না না ।

নেই !

অধিকার তোমার, মোরে বানাপানির ।

নেই অধিকার মোর তোমারে দুঃখ দেনার,—

মি বানাপা-পারুরী !

আছে মোর অধিকার,

মোরাং আছে, বাধাহীন ও অধিকার ।

মরতৌ ওদিন জ্বলতে তোমার ;—

বানাপাছিলু মোর বুকুর হরকাং ইথলে ;—

কাপানার পানিত—

ইন্টিক লুকেন্না থছিলু,—

সন্দুকর ভিতরে,

হাবির বানা-নুংশী ।

জ্বলতে মোর হিয়াত কু'র জিগত । ●



## জিৎতানির কুমেই

জুনাকর পোহর কতি ঠুম,  
এহান পাছিল কারাংতো ?  
পাছিল বেলীরাংতো ।  
করলা বাখান জুনাকর,  
নাকরলা, রুদ্র দিবাকর ।  
এহান নুৰা স্যারীহান নাগয়—

হে জুনাক প্রেমিক !

“জুনাক”

জিৎতা অইল তোমার বুকুত,  
আরাক আগর ওকরা ইন্দু  
নেই তার ; রূপ-গুণ আক বিন্দু ।

জিৎতা অনার কুমেই করাত : খাংকরিয়া—  
দাতে সেনাপক, ঘাম বেলাকুরা দাপা আহানে,—  
দালিদ্র পেটর তারামাত  
নিলাগা মুরগত পুরা রৈদ  
পুহাক দিনহান ।

জিৎতানির কুমেইত মাউসাৎ—  
নাইরঙর ফুলে চরকরের  
প্রেমিক মন,  
প্রজাপতি মধুকর ।  
খেন্দারা লৌরে ইলকরেছি  
বংশ বিস্তারে  
পুংকেশরেন্ত্র গর্ভকেশর ।

কেথকপী ছড়ার হতর মাতৌরে,  
জিংতানির ঠৌরাঙ।

জিংতানির পাক্‌চাত সুমুদ্রে—

উর্কে ডাহের—

ছড়া-খং-বিল।

বেলীগ বুৱের—

বেলী নিকুলিয়া বিয়ান ফুৱার

জিংতার নিত্বী-নিত্বী দুনিয়ারাং

ফিরাল তুলতারা জিংতানির কুমেইত,

করতার লালফাম—

হিনেয়া রকতগন্ন,

দিয়াউ জান, জীবন-যৌবন হাবি পুংখাক।

সৌরজগতর ইথেইত সৌরশক্তি—

জিংতানির অদৃশ্য নারেঙ।

তপ্তা নিংশা পৃথিবীর হাদিত

অণু-পরমাণুর স্বকীয় লালফাম।

আরাক আক্বেদে বিশ্বর ফালত,

ভৈরব নাছে 'কেয়তল' নাছানীর ঠৌনাহ,

কুমেই হাঙ্গাসী “মানবতার”

জিঙ্গালার দোৱাই কুপেছি, মালঠেপ মিহলে,

জিংতা করানি মানব সভ্যতা।

যজ্ঞ হৌকরেছি বারো নরমেধর।

আজিযৌ চলেছে আদিম যুগর

নকর আচুরা-পিচুরী,—

জিংতানির কুমেইত

বনুৱা হিংস্র লৌণল প্রবৃত্তি।





## কবিতা

এ মোর কবিতা ! “কবিতা” নাগয়  
হাদি জ্বলা কত পারেও,  
কবিতার ছন্দ লয় বিহীন  
ছিড়া কতগাছি নারেও ।

সৃষ্টির উন্মাদে না চালকরেছে,  
চালকরেছে মোরে সৃষ্টির লিঙ্গেয়ে ।  
দেইমী-সেইমী মোর কবিতার পারেও  
মানবতার খম্-খামছে লেইরামানসিকতায়,  
নেই মোর কবিতাত মদিরা কুত্তিরাং অনুভূতি ।

তোমার নৌ-নৌবা, মেং কবিতার  
পারেও বুজরাই উতা  
মোরাং হপন পারা ।

দৌবে জাতেয়া আপদিয়া থার,  
তাইছ করের,

টেংটেঙার বুকুরমা,  
ফওয়া টেইপাং, বারে বারে তুনিংশা কারের  
কবিতার ছন্দ-লয় ম্যাহাত থার ।

নংকুপী আগর জুরণে,—

দৌ না ঝিলকার, বরগ নাদের  
তোমার কবিতার থারুবা মালেম ।

কবিতারে বিসারেয়া পিদাদিম অলংকার  
হাবি নিমত,

অলাঙর সঙ্ঘ্যারাগে হাবি মিমুত । ●

## প্রিয়তমারে

মোর আঙুলিগত,

“প্রবালর”

হনালো স্নমকরা আংঠী আগ,

কোন হেরেদে প্রেমিকান্ন —

মোরে পিদাদেছিলী,

তেইরে নিঙে থনার প্রতিশ্রুতি স্বরূপ ।

দিনহান মনে নেই ।

ক্ষ্যণহান,.....

হান্ন, — মনে পরের,

ঠাইহান,.....

কাপকলেইজারর তলে

শাদয়া পরেছে ফুল,

চারিওবেদে ।

গোধুলীর রাঙিরা পরশে,

ইনচিক সঙ্গোপনে ।

মি মাতেছিলু এ পাখিব বন্ধনে

জিঙে নুঝারের তোর হৃদির বাতরে ।

প্রিয়তমায়

খানি মুরগ নঙেয়া,.....

ইম্পানি থায়া,...

মোর বেদে মাতেক আহান চেয়া...

২৬/নংকুপীর জুরণ



চা' নুঝারিয়া.....

খানি চেপয়া.....

তেইর কঙালা হাদির নাপ্পালপা

সৃষ্টির পুল্লাপ হাবি বুক মুজুরা, মনচরকরা

বুকগ'ল কলকরিয়া মাতেছিলী,—

ক্লেমা করিছ মোরে ।

খানি ইম্পানি,...

চারিওবারা ।

মেই চেঞ্চরার,

পাহিয়া-পলির রহণ-জুরণ ।

ঙাহাক' পিছে.....

পিছে, ফুল কতগ লকরলু ।

বাদেদিলু তেইর

মেইখুমহানর চুটিশৌ আগত ।

ক্লেমা চান্নারতা কিতাউ নেই,

মি মাতলু,—

হাতে হাতে

উম্ নারগল ।

মাতলু মি,

ভোর মেইখুম্মীর অঞ্চলে

ফুটা অইতৈ ফুল এগি

মোর কবিতার লেইরিক-লেইশৌর

পাতায় পাতায়

আকেইগ খদিছ ।

কবিতার পারেওর নিষ্পেশনে,  
আকদিন চেপালাগ অয়া  
নাপয়া থাইতৈ ।  
ওঁদিন, ওঁ ফুল ওঁগী দেহিয়া  
নুংশীপেয়া—  
নিংশিং ঘাটর ইথলে  
হাতুরেয়া  
কাইতেই উবাকা  
তুলতুলা তোর  
কঙালা আতর পরশে  
শাদৈতে,  
তোর অন্তরে ।  
চাউরী এহানীমাহী,  
প্রিয়তমারাং । ●



## আরুমর পাখী

নুংশিপী ।

রাজশ্রী মাদৈ ।

ফুকারেয়া লিখলু পাউরী,

তোর নাংহান ।

হায়দে, — থইলু মি,

মোর আরুমর পাখী ।

তি মোর মদিরা পৌচে পেয়া,

নুংপাং অ'থাইবে ?

নায়বা ছৌরয়া,

চন্দ্রিকা মেইথম রাংমাচু অ'থাইব ?

মাতে থাইবে : লৌরা-ডেঙাগ ।

“কল্পনাল টেইপাং লামে—

ফানেকে বিধা পাহারাগ !”

তি যেহানৌ বিরেয়া থাক,.....

মি যেহানৌ নিংকরিয়া থাইং,

কিগৈ জানে,

কিহান নিংকরিয়া আকদিন—

তোর সাদহান আকেছিলু

মোর হদালা ব্রিদি

কমু ওরমা ।

আকেছিল হায়,—

রং তুলিল নাগয়,.....

জিতেদ্রিয় অনুভূতির হাতরঙে,

হাদি কল্পে চেকপিলে ।

তোরাং চুনা'ছিল —

মনচরকরা. চেকচিল রিদি ইথল ডেউ ইলকা—

পিচুমগীর খেতকরা

ডাঙর ডাঙর আখিগী,—

মোরাংত দুরেইত থায়া

অচঞ্চল ।

তোর নিলুবা লু' আখীর পুরাগীত নাদেহেছিল,—

মোর ফরদুরা মাতাম ফাসে মনর—

আরুমর পাখ্‌তী । ●



## সিংকাক

কপাল টেকারেয়া  
করিয়া ওরাশাক,  
থমকরিয়া বাদে নুৱাৰলু হায়.....  
যৌবনৰ আফাইয়ে মাতাম ফাছু  
আজি লালয়া গেলগা বসন্তরাজ।

দুনিয়াৰাং  
নাপ্পাল সাইলেউ  
মরাং মি নিহরা কিয়া—  
টেইপাং ইথেইত চালকরলে মোরে  
পরাজিৎ মি বপ্কে লুয়য়া,  
মোর অন্তৰ্য্যামীরাং।

মোর মুণ্ডেদে যেইরীগা—  
সৃষ্টি একাকাপারা হিনেয়া,  
পুলেইকচু দেহাগল,  
ফানেকহান চুপ-চুপা,  
আহীথম জাওর পাতাদে কিয়া।

বরগর পিছে—  
হমা য়ারগা বেলীর মদিরা মিলেও,  
পরেছে গারীগরমা।

চ'য়'ছিল মোর মণিজোরা, “প্রতিবিম্ব”  
নাপ্পালপা নিষপাপ দেহশ্রী ছেয়া-মেয়া  
দুখ্যাহরমা।

জীবনহতে—

বাহিতে বাহিতে

ইশাং ধরেছে ইথলে পরিয়া

দীঘল ওয়া বেলানীর খোঁরাং

মাঙেঁতে পাউরী খাম্-থঙে লাহলা।

ইশাং বুলতে গতিহীন জীবন,

জীবন বুলতে গতি—

গতির নির্দেশ কালর ইথেই।

রাক্ষসী বনলতার—

পাম্পলর আলিগনে

সিনায়া গাছ-বিরুখ কুরুসুমর

হাগে চুরারমা ফুল গত বিলেয়া শাদনীর খোঁরাং

কুরিৎ জঙের।

মোরে তোর চঞ্চল ইনাফীর পাইরে

খোঁনাহিজেইছ !

সিঙ্কাক নাদিছ তোর মনর আরুমে,

মি তোর রাঙা পাইরগত

চু'নাইতৌ।

চির দুঃখর নিলুয়া পাইরগত

চু'ত্রৈতৌ স্যাৎ। ●



## দুহান এলা

[ ১ ]

মোর কবিতায় তোর নারে  
এলা সাকৈতে ।

বীণার বাঁকায়ে মোর  
হৃদি শকৈতে ।

হারপাছু হায়,—

এহানৌ মি

কবিতারে দিলে দরদ

তোর কণ্ঠে ঠাইগ পেইতে

পাহিতৈ মোর হৃদিত

মোর কবিতায় তোর নারে

এলা সাকৈতে ।

বীণার বাঁকায়ে মোর

হৃদি শকৈতে ।

তোর বীণার খল্লিকে

হৃদি কল্পুও মোর

ডেউ তুলতে,

হৃদি চেকপিলে আলয়া

প্রতিধ্বনী ঐতে ।

গীতিকারগ, নাইলের গায়ে

লিখুরী মি তোর কাজে,

মোর কাজে এলা নাদলেউ,

এলাদিছ তি তোর মাজে ।

মোর কবিতায় তোর নারে  
এলা সাকৈতে ।  
বীণার বাজারে মোর  
হৃদি শকৈতে ।

[ ২ ]

হুম আর কিয়া  
বিসারার উম  
বিসারার বানা-নুংশী  
তেই যে নংলাগর তেরা  
সুমুদ্রুর মণি  
মি না তেইর মান্না,

মি নিংকরৌরী  
খালকরৌরী  
অবাস্তিত মি

আর কিয়া ইশা  
কিয়া বারো মিছা  
যাতনা দেউরী তি

মি যে পথর ধুলির  
টেম্পাক ডলা  
উছটন খাউরী মি  
মিনা তোর মান্না । ●



## লেইচন্দনর সারুকে রক্তচন্দন

নাগ্নবা ! চেরমা না শাদৈল,  
আহি বুজা হেডলাইনে—  
“বস্তাগরমা অচিনাত্ত রক্তাত্ত  
পুঞ্জীভূত মাউ-লৌর পিণ্ড আগ”  
রকতগয় পাহেছে—  
বিপ্লবী রাঙামাচু বৈরাক আজি  
উথল-মাথল

চিন' এগ কুংগ ! কুংগ ॥ কুংগ ॥.....  
প্রতিধ্বনীত ঐল চারিও মেইকেই,  
বৈরাকর উৎসব চিনকরিয়া শাখা-প্রশাখা  
বজোপসাগর পেয়া ।

স্বহীদ ! তি কোনো কাল আহানরগ নাগন্ন  
সর্বকালর চিরন্তন ।  
কোনো জাত আহানর, দেশ আহানরগ নাগন্ন,  
মনুষ্যত্বর সত্যর নিভিক রাঙ-মাচু  
বেলীর মী পোহর ।

আজি এ রক্তিম শিংলুপে  
কাতকরিমতা কিত্তাও নেই,  
আছে হায়ঃ মোর তিতা রকত, দিয়া নুঝারতৌ—  
মোরাং নেই লেই-চন্দন ।  
দিয়াপারতৌ 'রক্তচন্দন কলিজার —  
কল্লিঙে ধরা থাংজাঙে কাপিয়া  
স্বহীদ বেদীত । □

## মি বারো আত্মা

মি বারো ঈশ্বর প্রদত্ত আত্মার মা—

নরক-সর্গের পার্থক্য।

কি আচরিত.....!

মি বুলুরী এগ রক্ত-মাংসর,

মোর পবিত্র আত্মার সৃষ্টি পবিত্র সুন্দর।

মি আকদিন—

মোর কর্মরাজির উচ্চশিখরে আসীন ঐতৌ!

কিন্তুমান.....

মাউ-লৌর কায়ার বিশ্বাসঘাতকতায়—

পিছলন দিলে কুরুসুময়তো।

পবিত্র আত্মার সৃষ্টি ছন্দ-শব্দরূপী ব্রহ্ম

স্বর্গীয় আসনে পদফাম পেইতৈ—

মোর আত্মবিশ্বাস।

মি মোর আত্মারাং সমালোচনার পাত্রগ। □



## কাতকরেদিও

গলেছে কাপাহান দেহবেরা ভিক্ষা মাগের—  
ভিখারী আগয়।

তারে আংকবলু,— চিক্করে—

কাপাহান জিংতা করে করে

তি কিতা কাপাহানরকা, না পেটগরকা ভিক্ষা মাগর-?

মুরগ নঙেরা থাইল ইম্পানি.....

মোর হাদিগর ঘাহান কিসাদে জিংতা করিয়া থইতো।

নুন ছিটেয়া! না— ঠোকরিয়া স্মৃতি।

স্মৃতি বুলতে মোরতা আর কিতাউ নেই—

আছে হুদা ইমার দুখ।

কিন্তুমান নুন দিলে আরকৌ জলতৈ.....

না— স্মৃতির গজে স্মৃতি প্রলেপ দিয়া—

সৃষ্টি করতু স্মৃতি সৌধ।

সাগর-সুমুদ্রের কাপানার বুক্গ— খেপাত আছে।

বিধেছে কুত্তিরাং লেইঙৌশৌ আগ,

টেংটেঙার হাদিগ।

বেদনার নেইকরা-মুক্তা প্রলেপ দিয়া—

সমাধি দেব বালি, তার বুকুত।

কাপানায় হাদিত হারা জীবন থয়া—

সমাধিস্থ'র সলিল রিদিত।

আকদিন প্রেমিকে নিঃপ্রাণ ঠুলে পেইতায়—

বেদনার দান ইঙাল-ঙাল মুক্তা।

ও মুক্তা, ইমার চরণে কাতকরে দিও। □

## প্রতিশ্রুতি

মোর প্রতিশ্রুতি  
হচিকা গণ্ডির ভিতরে নাগয় —  
বহল পৃথিবীর কণ্ঠ-উপ-কণ্ঠত  
হে মানব ! মি মোরকা নাগয়—  
তিয়ৌ তোরকা নাগয়—  
তি-মি তালকৈগ অয়া যিক্কা—  
বিশ্বপ্রেমে  
বেলীর সাদে ।  
নামাংকরিক  
জীবনর প্রতিপন্দন  
আক্ষরিক বিশ্বপ্রেমে ।  
নাওতেই হায়  
কাকৈয়ে কাকৈয়ে উছটন  
না ওকরতা পারে  
দিয়া লেইচন্দন  
নামছাকনক  
পেইতে পারে নিরুৎসাহ,  
ফুলর সারকৈ খেরর লুরা ।  
হাবি সুম্ভি-সুমাংনা করেদিক —  
খংচেত খুত্তিও লেই-লিচেত ।  
পুরেদিক হাবি মনর আনিকা কল্লিও,  
হলকরে দিয়া জ্বর মেইপুল  
ইথাকে ইথাকে হাদিরমা । □



## দলাপারৌ

হাবি মিমুত  
অন্তহীন অগাধ বিশ্বাস  
মোর অন্তরর

ওরে উদিন, গাওর কৌলীর খুলিত  
লেইফামর চুরার  
হনার কলগ গারিল  
হঃ থাইনাকার অপা-বপার  
শান্তির প্রতীক “দলাপারৌ”  
গাং বেলেয়া লাম বেলেয়া  
মাঙেলাগা  
এরে দিয়া  
মালঠেপগর পারৌর ঘর

খেত্‌করা  
আসনর কুকর দৌ.....  
ঈশ্বররে  
কয়খুরুম উলগ করিয়া  
ফুতি পিদাদিলা

খুবম্-ফাম্পম্  
লরক-চরক  
মালঠেপর

আহির পানি বায়া পরের  
মালঠেপ মিহলে  
ববেইর কক্‌নেই  
খম্‌করা দুঃখর

এবাকাউ তেতনেই তোর কাজে  
শওখধনী  
শেলপুওর রৌ  
মি মাতুরী  
চিকারী দিয়া  
তি নিল্লজ্জগ !  
মানুর আতে হংকরা  
রুকর দৌগ

আনেদেগা  
বিসারেয়া  
মোর— হৌরে হাংকার  
দলাপারৌ । □



## অষ্টা

মোর মরণর কু'গত  
প্রিয় মোর রং তুলিগী  
প্রিয় নিঙে  
জ্বিগত না বরাদিও !  
মরতৌ ঔদিন  
ঔ ফ্লেলে,  
যে-শৌগ জরম ঐতৈ  
পাণ্ডু চেলয়া  
ঔগর আতে তুলেদিও !

পবিত্র গঙ্গাত  
নাদিও বিসর্জন  
ভাস্কর আতুরা নিনিগী !  
কুমশালি পারা  
হিনেয়া ঘামে  
ঔ ফ্লেলে,.....  
পাক্কাল পাম্পলে  
খুত্তাঙে মাচাচেত  
ঔগর আতে  
হিল্করে দিও ! ●

## আতরতাহানী

মোর মুণ্ডে, দ্বীষুগর পলাতক  
বসন্ত ঋতুরাজ  
উরেয়া মক্‌তক্‌গ  
ফাগুয়ার দিনে  
যারগাহান অছিল  
কিসাদে যারীর মাতুমে  
মি বারো পাণ্ডু চেলপা,— কিহান মনেয়া  
রঙ সাংকরানী বিদ্বানকার বেলীত  
মাওছু নিলিপ্ত মি  
বেলীর বেদে।

পদধ্বনী পেইরাক গাছর ডেল-পালে  
মোর জাঙর পাতায় জড়িয়া পরিল  
খাংতা বৌবে আহত  
দলাজামর কুরিগী।

ছর...র...ছর... হকানা পাতার রৌবে  
রোমাঞ্চ মোর অনুভূতি,  
মোরে হাত রঙর ফাগুয়া  
মুঠি মুঠি হিচে দিল—  
দু-রেইত থায়া

পিঠিয়েদেহু খারৌর কিনি-কিনি রৌয়ে  
স্পর্শকাতর আতহানীল।  
গছে দিল হায়—  
আতর তাহানীত উম্ নাপেইলু  
রাঙা নাছিল কৈ। ●



## প্রেরণা

তোর আহির পানি  
মোর প্রেরণা—  
প্রেরণা তোর মুক্তি  
যাতনারমা  
তোর উদাসীনতা,  
কালো ঘামর  
ঠুনিংশা তোর,  
মাত্তৌ মি  
মোর প্রেরণা !

অকালর  
\*মশানর জ্বিগয় —  
মোর কঙালা হাদিগ  
ডহেছিল হায়—  
কিন্তুমান,  
মোর কু'র জ্বিগত  
না জ্বলতৈ  
তোর প্রেরণা  
থৈতৌ মি  
অমর করিয়া । ●

## এলারে

বরণহান বেলাছে ছিপ্-ছিপ্  
উঠানর আগার মালতীজারর গজে,  
এলা বারো কবিতারে  
কলকরিয়া থানার— দিনহানরগায় আছে  
মি মোর এলারে ফামহানর হীম্বরগত বছরেইলু,  
মলগর কাদাত,  
এলার লগে আহেছিলী অভিসারিকা নিদ্রারে  
এপেইত্ব যানার কাজে স্নাতাং দিলু  
মাতলু এলারে  
ওহাক আহান ধৈর্য্য ধরিয়া ছনেদেনার বাবে  
কবিতার নাংহান  
“প্রিয়তমা”রে  
যেবাকা প্রিয়তমারে—  
কলকরিয়া ধরলু.....  
ফুল পিদাদিলু চুলগরমা.....  
যেবাকা আত্মসমর্পণ করলু.....  
উপেইত পেইরাক্ক’  
দৌ ঝিলকন আহান, লগে বৌ আহান  
লগে লগে মমদানির জ্বিগ  
নিলুবাগ অয়া নিবিল  
বারো আরাক দৌ ঝিলকা আহান  
মোর কুঠাগর ভিতরে  
ও মিকুপে দেখলু এলারে  
মেইখুমহানর ভিতরে



কুঞ্চিত পিচুমগী গালগীর গজে  
 নেইকরা মৃত্যুর সাদে আহির পানি  
 এহান কি এলার ছন্দ পতন ?  
 না মোর পরাজয় ?  
 ওরে, দিগন্তর মেঘালা মেঘর ঢাকাল আহান  
 দিক্‌ভ্রান্ত অয়া ছুটেছে ঠাংনাপেয়া  
 ওরে বারো হাংকার মালতীজারির ফুলর লতগী  
 জুরগদিয়া পরেছে ধলির অপরমা  
 খন্তেক আহানাত এ-ঘটনা এহান ঘটে পরিলগা ।  
 ইশাং সাঙইল মুংবারা—  
 ওহান জুনাকহান দাবদেরতা.....  
 না মেধ দাবদের— মি উপ'নুয়ারলু  
 আধাররমা জি বিসারতে .....  
 তিওরা মালতীর গত আহান পেইলু,  
 হনলু খারৌর গুঞ্জন আহানৌ  
 এলারে নিংশিং ঐলু.....  
 এলারে এপেইত বহরেয়া থছুহান আছে.....  
 তেই জিগ মোর আতে দিল  
 মমগ লাগেইতে নৌ-নৌরা মেইথম  
 মমর কঙালা পোহর আঠুমপা রাংমাচু আছে ।  
 মাতলু স্যারৌ নাকরিছ মোরে  
 তোর কাজে এলা লিখতৌ  
 লণে এলাদে বুলে এলা দিতৌ,  
 তোর প্রতিধ্বনী অয়া ।  
 তোর আহির পানি পৃথিবীয়ে ওকরে নবারতৈ  
 লক্করলু মি আহির পানি—  
 মোর কবিতার পাণ্ডুলিপিহানল ।

## স্বাগত

ওরে মুং মেইকেয়েদে সেলপুওর রৌ,  
মৃত্যুঞ্জয় খংচেত !

বেলীয়ে উড়াছে রাঙিলা চেকপিল—

মৃতকরিয়া বেলীয়ে ঘরার খুরর শব্দ

অস্বারোহী উগ কুংগ ?

কাকালীত থাংজাং

বাংগুরী বারার পাক্কালপা মুত্তিত

লাগামগাছ

জাওর পাতাত লাগানি না পাহরেছে—

রেকাব,

রাজটীকা নাপকরা ঘরাগ

প্রতিহত করানির তীর হন্না

অস্বারোহী

রাজটীকাধারী ঘরার খুরর ধুলিত

ছেন্না-মেন্না

ওরে ভয়াতুর আত উহান কারহান ?

মালকর আশীষবাণীর

না ডাইনীর ?

লিশিং লিশিং আঙুলী দেহবেন্না—

পথ না দেহবেও,

রক্তিম ! মুত্তিঠবন্ধ স্বাগত জানেন্ন

লিশিং লিশিং আঙুলির নির্দেশে

পথভ্রান্তির সুরাক না জুগেও। ●



## বিদ্রোহী

মেরাকে নিংকরৌরী—

শান্তিকামী মোর ঈশ্বররে

হাদিত্ত পাশারেয়া বেলেয়া

ভক্তিভরে ছেয়া নেই খংনাংজারর তলে

বহবেয়া খদেনা আহের

নিঃস্ব করিয়া।

আজিকার শিক্ষায়.....কোঙে কাকেই

দেনা মনাউরী

জাঙর পাতাত মোর মরণরে

ঘুগুর সাকরিয়া,

আতে সিলকরানি অস্ত্র

নিঃশেষ করানি বিভেদকামী স্বার্থাবেষী

রকত চুহ্নীর দাপা।

হারপাছু হায়, মোর লগে কোন দাপাউ.....

আছি হায় দাপা আহান, থাইতাই।

যেগয় হারপেইতায় মোর ঈশ্বররে কিয়া

বহবেয়া খনা মনাউরী।

যদিসে ঔরে চাংখল দাপা উহানেউ মোর

ঈশ্বরর ম্যারীহান হারপা পারতারা—

মি বিদ্রোহীগ না সাকৈতৌ।

মোর ঈশ্বররাও।

## নিংশিং

যেবাকা আক্খুলা

জনরণ্যরমা লগে মোর নিঃসঙ্গতা

নিঙে পরের ইমারে—

নৌফাংহানাত্ত মোরে কাপলা উহান,

গরীয়সী জন্মভূমিত পুতেছি নৌফাংহানে

গর্ববোধ কবের

মাটিহানর উমে উর্বরতায়।

নিঙে পরের.....

মোর পিঠিহানাত লিচেইর কালা দাগগৈ বুজেছিল...

আত-জাওর খুতাং-খংচেতে

কিন্তুমান.....

ইমারে না আংকরেছিলু

কিয়া বুলে মি হারপাছিলু

উহানে ইতিহাসর লাভলে নেই

আরাক ইতিহাস আহান।

যেবাকা “স্বাধীনতার” মেয়কগ দেখলু.....

উবাকা মোর লগে উপহাস করেছিল

হায় এহানতে স্বীকার্য,

পৃথিবীর

কাদানী

ঠুনিংশা

আর্ন্তনাদ

মানব মুক্তির বিপ্লবর ভাষা আকহান।



## প্রেম

লৌ-মাউর দেহগ হানতে  
মি হপন নাদেহরী  
উহান নাগয়—  
নির্বাক প্রেমর আকুতি  
ওহাকপুঞ্চি কুহেলিকারমা,  
কিন্তুমান হাদি মোর বিক্ষুব্ধ  
প্রেমিকারাং,  
কন্দনরতা আশাংপা মাটির লেইপাকর  
অব্যক্ত মানুর বেদনা  
এবুজ পেয়াও মিংটা আহান  
বাটে নুঝারেছু দরদীরাং,  
নিজর শিরা উপশিরায়  
অনুতাপ নাছে পেয়া,  
এসাদে ওহাশাক নাক—  
বসন্ত ঋতুরে প্রেম করানীর সাদে—  
তিরার রাঙা রাঙা ফুলে  
আক্‌মারিত আক্‌থুরুম,  
অক্‌ দিনকার বিয়ানহানর  
রাঙা বেলীর সাদে প্রেম  
পৃথিবীরে। □

মুক্

কলমগত —

কালিছটি বরাণীর পিছে

চেল' নুঝারের

অবাপ্তিত মুক্ বিন্দু

মাটিহানাত পরলে

কণ্ঠরুদ্ধ মৌন

অব্যক্ত প্রতিবাদ জানার

কাগজ টুকরাহানাত পরলে —

বিমূর্ত্ত মূর্ত্তি আগ ধরিয়া

শিল্পীরাং

অধিকার বিসারার,

নান্নবা

বিসারার অধিকার

কালো সূর্য্যার ।

বুটিং পেগারহানল'

কান্থিকালোক অয়া

চুমা দিলেউ অধিকার

ক্ষীণ নাইতৈ । □



## ক্ষেতিউলারে

মাটিহানরে বানাপাছিলা আরো  
আশাংপা হনার হপন দেহেছিলা,  
ফাস্ নেই হজকরা মাটিহানাত  
পিদেছি খন্তিনার চুটিগল'  
চিপেছিলা আকদিন ঘাম ।

লপুকর যৌবন ফাসে  
উর্বরা হাদিয়ে—  
কুয়াউলীর  
কঙালা খুত্তাওর  
পাচগ' আঙুলীর চুমা  
আজি নিংশিং অর ।

জঙ্গারধরা লাজলর —  
অসম্পূর্ণ ভাববোধক চিহ্নর  
ফালহানে উদ্গ্রীব  
পালছগর নুংশিপা  
কর্যগর ।

সু-নাছে প্রস্নবোধক কাটিয়ে  
নিংশিং অর, না পাহুরেছে  
বঞ্চিত ক্ষেতিউলার  
মুঠিবদ্ধ আলিঙ্গন । □

## শিরোনামবিহীন কবিতা

কেন্ডাস আহানরমা  
হাগ-মাটি-ঘাস  
আকাশ...বিশালতা...উদাসীনতা  
মাটি...ঘাস... চির-আশাংপা—  
বিশালতারমা বেলী,  
গ্রহ-নক্ষত্র আধার,  
পানি...জীবন...পরিপূর্ণতা,

আশাংপা ঘাসরমা আবক্ষ মুক্তি,  
আহির মুদ্রা, পিছুমগীর উদাসীনতা,  
কিন্তুমান.....  
নিষ্পেষিত চুরাল,

গগনচুম্বী আতে বেলী নিংড়েয়া  
রক্তিম সারাংশ....., আতহানল হিয়রগ দেছে  
আশাংপা ঘাসরমা,  
আরাক আত আহানল  
সুমুদ্রত ইন্টিক্ পানির অতল গর্ভে  
উম্করা আতে মুক্তাগত্ব চিপেছে  
মুক্তার সারবিন্দু,  
আহির কালা পুরাগত আধারে বিসারছে  
না—  
কালা পুরাগয় আধাররাং বিসারছে  
পোহর। □



## বগিয়া

ওরে পশ্চিমাকাশর  
মেইকেয়ে,  
মোর হৃদিত  
কুম্শালি পারা  
মেঘর মেঘালা  
চাকা আহান  
নাপকরে দিয়া  
জুম মারেছে,  
ফরদিয়া যারগা  
মোর পূর্বাকাশেত্ব  
সঙ্গীহীন  
বগিয়া আগ,  
মেঘর চাকায়ে  
টাংসেকরিয়া  
আক্খুলা ।

যাত্রার উদ্দেশ্য  
খুংকুল বিহীন  
হনুরী মি পাখ্হানীর  
অক্লান্ত মন্থর গতি । □

## ডাণ্ডবিন

রাজপথর  
ডাণ্ডবিনে  
“বোল্ড” আখরে লিখা  
“ইউজ্ মি”  
লাইন এচুটি  
আজিকার  
জীবশ্রেষ্ঠ হক্‌দার  
মনুষ্যরাং  
স্বার্থক করেছে,  
গরিপা হংকরা  
মনুষ্যত্বর চরম অপমানে !

লোম নেই নুঝাচে ল্পা  
থুর, থুরী কাপা  
কুকুরর লগে  
ভকর তারামাত  
সর্বহারায়  
নারাতবাদিয়া  
দ্বীপদ টেইপাং মানুর  
কারাকারি  
লটাইলর লেমকরা গ্রাস,  
বান্দারার চাকুম ।



আরাক আকবেদে  
প্রগতিশীল দেশর  
দেবালে টাঙা  
বিজ্ঞানর চরম অগ্রগতির  
ইলেকট্রনিকর চি-মৌপা  
হাদপিঙর সাদে  
টিব্ টিব্ সঙ্কেত ঘরির,  
আতর সু-শোভিত  
টাইম পিছর  
মিতব্যয়ে,  
বিল্লত সন্তানে  
অবহেলায়  
পাহরেছি, দূরেই করেছি  
পরিচয়র, প্রয়োজনর খুতি  
অভিবাবক, মালক-বাপক !


এগদে টাইমপিছ্ নায়বা  
দেবালর ঘড়িহান  
গলিয়া টপ্ টপ্  
কেলয়া পরিয়া  
লয়যারগা,  
খেয়াল নেই  
কর্মেন্দ্রিয়পজু  
পরজীবী কল্ঠংচেলয়া ;  
ভকে-ডকে, শেষ সীমান্তর  
“পাহুশালার”

প্রতিকৃত কুখ্যাত,  
সমাজতত্ত্ব রাজসংস্কার  
পিস্‌বোর্ডের ছিড়া মলাটহান  
খানাত বহেছি।

এপেইত বারো  
“প্রগতির পথে”  
দেশরমা—  
বুড়া-বুড়িয়ে  
ফারাকাস্তা খেয়া  
গাতি লাগিয়া  
মরাত লেপছি। □







প্রকাশন থংচিলে লেখকর লেংকরা অন্যান্য লেইরিক :

বিন্ঝিনি —	হরকাং শৌর যারী ।
ফেন্ধনুক —	কাব্য ।
স্বপ্নসম্ভবা —	উপন্যাস ।
ধূলি —	} একাক্ষিক নাটক ।
ডহেছে হাদির	
উমতিরা কাপ —	